

modificavere f

ses ad proditionem invitant, mercede promissa non parva; qui, sicut vocales amici [a], Ravennatum votis aures flectere non dubitaverunt [b]. A Ravennatibus praeterea missi quidam Sathanæ trapezitæ [c], Bouoniensium rectores eorumque consiliarios ad Ravennatum amicitiam flectere laborant pro posse; quod verbum iniquum et dolum [d] audire nolentes, cum rubore legatos expellunt. Abeunt nūcii, in proximo redeunt, instant assidue, offerunt multa, plura promittunt. Sed heu quæ non mortalium pectora cogit auri sacra fames? Quid non perficit veneranda multitudo gazarum? Certe soluta conglutinat, compacta enervat,

diruit, ædificat, mutat quadrata rotundis.

Quibus morbis, quibusque vulneribus illud preciosissimum auri argentique antidotum? profecto omnes sanat ægrotos, infirmitates cunctas expellit, surdos praeterea facit audire et mutos loqui. Hoc quidem antidoto, immo pharmaco [e], in vicis et triviis sparto, quod nefas fuerit [f] secreto audire, jam factum est sanctum publice prædicare. Datur denique sæpe promissum, incipitur diu optatum; fugiunt jura, pacta solvuntur, principatur iniquitas [g], amicitia exulat [h], carceratur societas, sævit Bellona [i], Pauci tamen inventi sunt numero, quibus carius fuit æquum equo [j], qui veritatis præcones medicinam præfatam prædixerunt pestiferam. Sed hi, qui inter tot? Anno igitur Domini MCLXX primo, VIII die [k] mensis martii, Bononienses et Imolenses cum toto suo comitatu, excepto Erro de Malpilio [l], et comes Malvicinus [m] cum suis, manu armata venerunt Faventiam, villam Sancti Proculi hostiliter pertractantes. Quod cum iuvenes audissent, credere minime potuerunt; amicitiam enim cum illis infra breve tempus renovaverant. Tandem, audito rumore, et fumo viso qui rem declarabat, hostibus obviam exire festinant, et quos ab hospitali Sancti Egidii [A] usque ad Sanctum Proculum reppererunt, remunerarunt pro meritis. Porro apud [n] pontem [B], per

Mar. 8

u

[a] vocales amici. Sic Codd.; forte idem sonat ac amici di nome, vel potius venales. — [b] non dubitaverunt. Sic C. V. In C. M., dubia lectio; Cl. Mitt. legit modificaverunt. An legere oportet non difficultaverunt? — [c] Sathanæ trapezitæ. Sic Codd. M. et A.; idest argento mercantes. — [d] qui verbum iniquum et dolum, C. M.; quod verbum iniquum et dolosum, C. V. — [e] antidoto, immo pharmaco. In Codd. sic: antidoto, immo pharmaco. — [f] quod nefas fuerit, C. V. et cl. Mitt.; Cod. tamen M. potest legi etiam sic: quod nefas fuerat. — [g] principatur iniquitas. Sic legit cl. Mitt. In Codd. M. et V. habetur: pacta solvuntur principatus iniquitas. — [h] amicitia exulat, Codd. M. et V. In C. A., amicitia exultat. — [i] sævit Bellona, cl. Mitt.; seu ita Bellona, Codd. M. et V. An, sævit ita Bellona, legendum? — [j] carius fuit æquum equo. Sic lego quidem. In Codd., carius fuit equum equo. — [k] VIII die. Sic C. M.; die octavo, C. V.; die quinto, C. A. — [l] excepto Erro de Malpilio. Sic C. M.; excepto Ereo de Nalpilio, C. V.; excepto Serro de Valpilio, C. A. — [m] comes Malvicinus. Sic Codd. omnes hic. — [n] Porro apud, Codd. V. et A.; Porto apud, C. M.

[A] Hospitale Sancti Aegidii erat extra portam Imolensem, ubi nunc S. Maria del Paradiso.

[B] Apud Pontem, nempe Sancti Proculi, qui est supra Sennium.